

松

風

閣

詩

鈔

松風閣詩鈔

長洲 彭蘊章詠莪

卷三 澗東集 古今體詩五十二首

支硎山何亭月下 乙酉

寺藏修竹裏犬吠野梅間
明月上東嶺老僧猶未還
苔痕緣石壁雲氣合柴關
舊侶今何在鳴琴空此山

葦間叔父新居懸橋巷庭有花石
乙酉四月旣望
招石琢堂師張時塘黃薳圃尤春樊三先生集汲
雅山館爲問梅詩社第二十六集分韻得安字

結社今三載清吟出再刊
摳衣陪末座授簡溷詩壇

漏如年永茅堂卜地寬羣仙來得得老樹舞珊珊欲叩
靈書穴先憑亞字欄牆分螺髻碧盆擁鶴頭丹稚竹苞

紅籜新櫻薦玉盤一甌纔脫帽六角試題紈盥露摹張

草熏香佩石蘭吳鉤曾入詠

春樊丈壁間古劍曾以徵詠

鄴架許同

看

蕘圖丈多藏書

卽此逃塵網相期把釣竿湖山尋舊約花月

接餘歡漉酒延秋爽

去年作東籬會有詩

探梅保歲寒海棠庭院

晚春色憶長安

己卯春日侍叔父京寓疑野山房海棠花發吟玩累月

題虞山蔣霞竹

寶齡

霜葉移詩稿

人皆愛君畫人亦愛君詩我謂君書法守駿跋亦奇雋
如惲南田珊珊秀骨支放如吳苑菴空闊勢不羈君書

妙乃爾妙乃人不知諒爲詩畫掩坐使茅君悲陳白沙詩茅君始用事入手稱神功謂以茅作筆也咄哉題詩卷刺刺稱君書得毋類皮相買櫝還其珠然我喜獨見有見敢不據鄭虔擅三絕書豈詩畫輸君書旣如此君畫亦不殊君詩定何似靜籟鳴太虛

霞竹索題所作破樓風雨圖

昨題君詩卷落想頗出奇今觀風雨圖蒼茫思難裁不問誰家畫知君手自爲題詩亦不多落落數子才諸體競神駿閣筆吾何疑念君集中作未有憂貧詩因知作圖意非寫牢騷懷徒欲託風雨一暢筆墨機藉此徧徵

詠翼獲幼婦辭似君耽翰墨兀兀忘寒飢硯田無豐歲
瑟縮生涯微君樓能勿破風雨能勿摧君豈知樓破豈
知風雨淒三更燈火下細字牛毛窺似聞妻孥言嗷嗷
若或悲君言風雨過明月清光來

巖介堂

寅示自勵詩次韻奉酬

世人衒才華之子守樸實儼如禪定僧皈心持戒律玉
池湛靈光一燈熒漆室居貧能樂飢勵志師甘節游藝
豈好名聊爾自怡悅君能寫性靈我亦忘工拙有生自
有營無得亦無失秋月照空庭焚香理瑤瑟

題巖介堂春郊散步圖四首

百舌啼春風喚起幽人睡出門步東郊花柳依依媚
泉流活機細草懷生意遠山如佳人窈窕橫纖翠俛仰
乍忘憂行吟使心醉玉輪滿香陌驕奢道所棄漫士何
閑閑輟筇當緩轡

洪鈞鑄萬物四序殊形容唯春象發生和氣含虛空古
有巖棲客覽物心冲融興言託豪素刻畫奪化工寫魚
能躍浪爲鳥能啼風豈伊善體物遊目藏胸中不惜腰
腳苦芒鞋蹴蒙龍

閒居寡儔侶晝吟長閉門翩然一笠去暮與樵子還投
囊句已滿刻燭裁成篇觀物資神悟寓言屢更端落落

古狂質詠歸趣陶然童冠且勿喧鼓瑟方安絃

我家住南園春至林木茂東顧帶迴溪西眺紆層岫平
曠錯散金野花繁繡繡時見踏青人廣陌聯長袖一遊
黃金臺三年誤飮餽御溝春水生苑柳春陰覆五陵盛
少年金鞍倏馳驟明鏡使心寒長帶知腰瘦不免櫻桃
嘲終輸蟋蟀鬪步屨還鄉園親交欣話舊滄浪好風土
虞魏古婚媾兩三把臂行歌嘯同蘭臭幽谷亂鶯啼柔
桑間雉雛暖風蝶翅忙活水魚鱗燦極茲視聽娛相貺
亦孔厚披圖發長謠齒頰清泉漱

衣言堂前三椽歲久將圯從兄玉樵偕余同力葺

成有詩志喜和韻

我家頻宮旁自明中葉始

舊宅在長元學前八世祖以上明成化間居也

亦越

萬厯間卜宅依葑水

八世祖夢蔚公始創衣言堂基址公爲萬厯丙辰進士七世祖敬輿

公築室則已崇禎十三年矣

地接古滄浪人傳子美里屈指今十傳

歌哭猶在是世守得非幸焚香禱桑梓小子念詒謀

勉仍故址昔爲埃與塵丹膜清如洗昔爲朽與蠹輪奐

今重起吾身倘終庇還祝庇孫子曾晷及雲初悠悠力

勿弛貍石鎮自今一禳羣陰台謝彼艤晚緣迓茲昌盛

理井泉溢香醪階草茁甘薺檐隙散鳥雀砌穴空螻蟻

稚兒從旁笑所欲得毋侈惟願春秋日有鵲來報喜

鏡菴上人住流水禪居有詩見贈和答

飄飄岫中雲隨風捲無定悠然出岫去遂爾濟物性涼
雨灑空界煩惱化清淨灌頂願無窮未解憂餅罄非雲
戀人世普茲功德盛寥寥靜中吟清籟虛林應早從智
慧根流出迦陵詠忽移遠公社高棲元亮徑禪居爲先
叔祖尺木
先生習
靜處夕梵鳥飛迴晨鐘魚出聽坐令諸佛子磨甄豁
明鏡言念素心友抽毫發清興超脫禪三乘破除詩八
病化機日川上膠著空心競

嘉定潘望之孝廉

鴻誥

示所著詩題贈四首

吾生多所嗜所嗜率不工頗聞同袍子秉性聊復同仙

樂奏繁會高人方耳聾才智驚外鑠靜者守其中何時
屏煩慮浮雲觀太空

岷江濫觴水千里經沅澧萬權揚其波何能清見底才
人墮末流志士追正始風雅如可作未知孰臧否閒看
沸鼎渦只自中心起

嗟哉苦吟人冥心搜一字譬如決疑獄務與科條避流
派一以分嚴辨淄澠味一團活潑機都被名韁繫嶢谷
鳳鳴初何物非天籟

新聲曲沃匏古調龍門桐平心一傾聽各有黃鐘宮我
讀誠齋詩激越生清風皮毛脫落盡真詩偶可逢野人

食芹美獻君侑于鍾

六月十二日偕問梅詩社諸先生集黃筓圃丈

丕

烈
百宋廬祀黃文節公和韻

百宋廬翁嗜古書丹文綠牒宛委儲譬求珣玕醫無閭

古人與稽今人居瓣香虔奉雙井廬十三甲子揆生初

社中一翁慣祀蘇

尤春樊丈

蘇黃匹敵楚與吳畫疆而霸才

不殊豈應六藝同忽諸蕭齋展像清且癯神之來兮雲

模糊案陳宋槩珍瓊琚魯魚舛誤知其無祭詩并作勘

書圖公如降鑒心歡娛祀公乙酉歲不辜

公生乙酉

千秋尙

友古爲徒諸公大雅輪同扶得毋嘲我蠅蠓吁

陳仲飛

貫霄

索題所鐫印譜

吳鉤切玉龍虎章誰其著者陳與張

友

張生采藥從岐

黃陳生獨立追渾茫奇文盤拏森劍光錚錚直上斯冰
堂鴻毛蠶絲屈曲詳一髮滿控千鈞強五丁鑿山通夜
郎離婁挾背窮毫芒行間瑟瑟飛秋霜如君一技終擅
場吾儕還羞錐處囊嗚呼君技今莫方三橋雪漁古韻
頑

張蔣塘丈屬題大滌山洞霄宮圖

丙戌

天目嵯峨南戒闕旁羅大滌神仙宅南湖直下秋水清
天柱中擎嶺雲白宋時遺構洞霄宮宮在諸巖迴合中

月夜笙簫橋舞鳳秋山風雨洞鳴龍鳴龍舞鳳羣仙集
六甲靈符傳寶笈共羨窪樽餌玉芝不須丹竈炊瓊粒
三池流水作雷聲九鎖迴嵐劍氣橫吳筠藏劍於此山石上祥
光開霸主空中佩響報先生天台雁宕稱神岳並峙東
南絕塵俗朝闕干官想大羅隔凡一石同林屋山人彈
冠宰餘杭政成蠟屐此徜徉畫圖載石理歸櫟歲歲南
山書一牀山川能賦復能說拂紙雲煙迴清絕欲叩靈
扉訪杜琛駐顏指授長生訣

謁鄒縣孟子廟敬賦

赤紱尼山後鍾英屬此鄉七篇傳道正三宿寄心長濁

世存堯舜辱邦出并疆天方開戰國終不怨臧倉

郵亭題壁

我行猶未遲況率僕夫知曉月空庭秣斜陽野店旗邨
醅聊引睡木榻偶支頤無限勞人意夷歌一寫之

邵伯埭

細雨輕帆巖社湖天光雲影接模糊烏犍碌碌眠青草
白鳥飛飛出短蒲兩槳船移春水闊一蓑人立野煙孤
而今洗盡風塵色縹緲身疑入畫圖

邗江舟次

陰雲漠漠走輕雷白雨跳珠雪作堆臨水樓臺添碧蘚

過江時節近黃梅一枝柔櫓搖鄉夢半卷新詩撥古灰
寄語瓜皮船上客莫吹鐵笛使人哀

舟行遇雨

雷公鞭螭龍雨勢拔山起暝色迷津梁孤舟行未已推
篷趁電光繫纜宿溪水林莽振涼颼秋聲迸入耳傍曉
月窺人一隙射窗紙坐令軫結心光明亦如此

八月潮日泛舟石湖次葦間叔父韻

古塔楞伽地本偏高吟重此袂相聯水天放棹延新賞
煙雨憑欄說舊年一鏡湖光臨傑閣

登范公祠天鏡閣

千潭月

影載輕船留人桂樹還開徑得句秋風欲滿川香火荒

祠今寂寞笙歌盡舫自喧闐耆英會裏追陪慣真率齋
中去住便潁上泛舟懷散誕山陽聞笛意纏綿誰知題
硯詩成後叔度汪波竟渺然

同社復翁丈新逝

題石竹堂先生

韞玉

所藏曝書亭硯

草堂日午秋雲紫琉璃硯匣當窗啟塗蠟曾封卽墨侯
蘋藻溶溶點春水分書款識曝書亭曹全體態何輕盈
摩挲良久向日視一埽敗錦與繁星不須員眼鸛鵲碧
亦無斑粟硃砂赤觀其質色潤而凝決爲中巖青花石
竹垞自言嶺表遊水巖購石滿歸舟

見硯說

集中硯銘四

十六丹鉛矻矻老不休羽翼經訓大儒筆揚厲功德詞

臣職玉堂樣翻丁寶臣冰壺製摹黃魯直硯乎在野或在朝不改虹氣干青霄發揮道德出醇粹濯磨品質除譁囂竹垞珍爾識其側先生好古銘詞勒欲託平生金石交相期蘊蓄圭璋德巧匠年年雕琢新如何古製完天真端溪片石非無價吳越百年有替人

詠張時塘丈

吉安

所藏趙忠毅公鐵如意

丁亥

今日君子堂來觀鐵如意想像忠毅心忼慨前朝事入坐爭摩挲錯落戲金字銘詞戒勿折覽物堪明志璫燄熾熹朝白日行魍魎道義守東林衣冠激清議豈無昆吾劍光氣干時忌豈無朱亥椎俠烈道所弃鑄成鐵如

意內含勇與智繞策贈同朝段笏心相類羅網竟高張
三策中陰計謫戍雁門行骭髀英雄氣時平飲太和讀
史感風義九原忠佞呼一字袞鉞快狂歌消古愁擊節
唾壺碎徒言百鍊剛毋乃覩其外

蜂有刺

折花行階下蜂來刺我肌誓欲拔蜂刺蜂向牆頭飛
蜂此去觸蛛網來朝蛛網乃見蜻蜓衣蜂兮蜂兮汝亦
何能久花事闌珊穀雨後

元朱碧山製銀槎酒器歌

君不見海水上與銀河通浮槎八月海西東客有好事

建飛閣齋糧乘之牛女逢仙家異事古來有鑄成酒器
前無偶杈枒靈木千年根上有仙人勸行酒閱盡人間
醉態狂何妨我亦醉爲鄉瀛洲寶瓊金成濯蓬島銀罍
玉作漿誰識仙人意否否百斛香醪不濡口胷中本無
碗礪澆錚錚楊腹誰見嘲羣仙會裏看浮白銀濤腳下
清風激前身合是釣鼈人不然長嘯騎鯨客仙兮仙兮
探源宿海捫青天飄然揮手來塵寰躍入洪鑪身百鍊
儼如監史在我前問君何時到酒泉碧山造此至正年
禁樹古制存規戒莫作尋常酒器看

花朝雨中琴南訂同人虎阜探梅

尖風細雨送花朝九十韶光半寂寥賴有尋梅詩太守
不然春事竟無聊

萊州風雅繼蘇州點綴叢祠花石幽

琴南新葺
白公祠

好雨不

教茅屋賞飛鳧艇子水西頭

舞衫歌扇逐年新臨水樓臺住玉人孤負瑤姬支病骨
空山深鎖十分春

一枝瓊雪倚柴關料峭春寒破笑顏若向羅浮尋蛺蝶
未應無夢到人間

時吳謫人學士
新逝家居虎阜

宋于庭學博

翔鳳

歸自粵東示所著詩因題

名山事業託舟車十八灘頭穩著書浪迹不憂虛歲月

生涯何必問樵漁竹林繁露大儒學

千庭習漢經師之說著有樸學齋稿

椰葉東風博物儲翔取珠江作元酒幾人知味慕皇初

陪葦間叔父訂同社諸先生山塘修禊二首

煙雨垂楊岸流觴禊事修花香迎醉客山翠入飛樓已

續蘭亭本

琢堂師有重敘蘭亭

還同曲水遊銀塘風日美索句泛

輕舟

柳色清明近山容淡冶中畫樓歌扇月花市酒旗風尙

友如新友蘇公更白公

是日集白公祠晚登仰蘇樓

看山好腰腳天

付老詩翁

上巳後二日同里書畫諸友集蓮溪坊顧氏草堂

插柳今朝例禁煙

是日寒食

浴蘭佳節卻開筵特寬酒令收

三雅漫試琴歌上七絃

酒令不過三爵筵散後聽宣也

桃木仙符

虛法曲

吉道士不至

黎花僧院落空妍

鏡菴上人居金井菴梨花已謝

晉卿

本是西園客

太倉王子若薨臺曾孫也

偶入蘭亭第二篇

不愧嘉名擬六如

謂介堂

吟成七字酒巡初蒼髯歷亂星

星感

介堂去歲有留鬚詩今已見斑

斑管迷離款款書獨客陽春歌郢

曲

是日只介堂有詩無人屬和

幾人寒食薦山蔬

鏡菴暨諸君持小齋者別為一席

冠子夏商圖畫

杜拙齋首倡作圖

茅屋中間若箇居

徐重侯

城

自山左歸里翦燈夜話卽送返樞清溪

二首

揮手宿南國

去年途遇於宿遷
停車一日而別

清愁雨黯然過江春又

暮竟夕客無眠缺月低松蓋輕雷出竹鞭爲君重翦燭
此別恐經年

之子來何暮風塵浣客衣落花飛不盡春水送將歸惜
別燈初暗忘言瑟欲希誰知千里夢一夕會相依

睡中得句云秋風樓閣松聲滿春雨池塘柳色深
因足成之

累月不遊亦不吟夢魂依舊託山林秋風樓閣松聲滿
春雨池塘柳色深此境卻從真處得當時翻向幻中尋
何如鱗甲笙鐘句五字堅城比鑄金

懷山陽毛子喬孝廉

松齡

寂寞江南第一人

了喬領丁卯
鄉薦第二

文壇憶我十年親上書

蘇季黃金盡擲果潘郎白髮新吳苑梅花愁裏發淮陰
芳草酒邊春道山亭畔橫經客猶慕林宗折角巾

午日偕同社諸先生山塘觀競渡

蒲葉榴花對酒尊爲看競渡到山村綺羅豔拔吳宮隊
蘭芷香銷楚客魂打槳更番排鶴陣舉旗一闕奪龍門
中流簫鼓豐年景白髮詩翁笑語溫

鶯脰湖泛舟

落日蒼蒼鶯脰湖韡紋十里細模糊銀魚出水思風味

白鳥衝煙入畫圖，傍水柴門分小市。
臨波傑閣住浮屠，漁歌前路溪聲合。
催上明星一點孤。

吳兼山司馬嶮招同詩社諸先生集逸園

問梅詩社開吳趨，良朋勝地相招呼。
園林昔傳靜甯慕，園爲靜甯慕鳴鶴漕帥遺構今見重葺虞山吳。
虞山門閤承忠盡，司

馬聲華重時俊，辟疆邱墟繡野歇。
樓臺新闢元卿徑，荷

池淥波半畝寬。池邊孤亭石磴盤，
數株垂柳映簾幙。兩

三吟客憑闌干，主人酒半發清興。
石笛一聲六月寒，席

聽吹石笛神仙合住華陽洞，慙余未斷長安夢。
秋風秣馬別

吟壇，千里思君明月共。

韓桂船大司寇

封

引疾歸里屬題秋帆圖四首

屈指懸車近

公時年六十九

臣心憶故園

溫綸來

北闕祖帳設東門紅杏題詩句黃花對酒尊
簷窗風日

好展卷課諸孫

竹箭東南美迢迢錫貢年

公以拔萃科起家

白雲平豳獄珠海

靖烽煙解組情何決投綸意自便焚香深夜望紫氣斗

杓前

連城和氏璧未解畏青蠅一夕浮雲散三霄寶氣騰祇

因磨不蝕轉覺價逾增同被陽光照嶙峋笑鏤冰

秋風吹木葉霜月挂高巖畫景江南路歸人天際帆移
家無釣具在笥有朝衫好著歸田錄名山貯石函

桂船丈屬題小寒碧第二圖

黃巖遺愛浙江東

公五世祖開雲公官黃巖令有董文敏公書寒碧齋額

寒碧嘉

名奕葉同養志早吟將父句

公昔侍封公樂餘先生嘗自顏其堂曰養志

有

懷如見古人風

公會伯祖文懿公著有懷堂集

林泉娛老身非隱桑梓

分憂望屬公已聽西郊停采石雲根寶氣夜如虹

形家言吾

吳西山不宜采石公言於當事設爲屬禁

菊塔

有厚

琢堂師疊盆菊爲七級如浮圖形重九日招同

人爲詩社四十一集因賦

南圃新開野菊芳
玲瓏盆盎疊書牀
七重欄影樽前合
四照花容眼底忙
珠網明時擎曉露
金旛淡處著微霜
凌空色相三秋現
多寶莊嚴一塢藏
倦蝶夢成馴鴿繞
寒蟬吟出梵鐘涼
齋中運甓英雄氣
籬外懸燈舍利光
須插滿頭誇韻事
未知絕頂有奇香
欲呼東晉陶彭澤
共禮西方阿育王

琴南服闋入都餞別

蓬萊仙郡乍分銅
計日陳情一表通

君初以御史拜萊州太守未及之官

聞封翁病

卽假歸西磧問梅移箬艇
南廳煮茗憶花驄
山林結

習談黃老香火因緣證白公

君倡修虎邱白公祠

何日重逢尊酒

會出山雲影任西東

詠雪羅漢

捲幔閒庭絮作堆莊嚴寶相出塵埃都因測佛心難了
急與呼童面別開證果四禪參玉版慧燈一點照蒼苔
懶從長老遊西域卻伴詩人眺北臺磨鏡夜飛窗外月
拈花春破嶺頭梅現身超脫聲香味彈指消除今去來
入世是誰能不滅觀空到爾亦須才化爲功德池中水
灑遍靈山法雨回

受業蔣彬蔚校字

松風閣詩鈔

長洲 彭蘊章詠莪

卷四 花南集 古今體詩八十一首

庭梅歎

戊子

空園有老梅寒花耀古春攀條折其芳持用贈美人美人隔湘浦欲贈無會因彼姝者誰子羅綺振鮮新豈不慕顏色奈非心所親豔陽來何遽桃李媚芳津茲花誰與賞零落霑泥塵泥塵何足惜惜此高潔身

項王墓

鎬池壁識祖龍死奪鹿羣雄相角掎鬼火狐鳴戍卒驚

粗糲白粳如蠶起想當破釜沈舟日英姿颯爽宜無匹
猛將皆從壁上觀降王已分車前桎天心無奈厄英雄
神器終歸隆準公關內漸聞兼雍塞鴻溝無復劃西東
沐猴獻嘲立烹醢問王天亡豈無辜斗撞進諫置不聞
印敝與人更追悔漢軍四面皆楚歌入千子弟降者多
烏江自愧田橫島駿馬名姬奈爾何

董琢卿司馬

國琛

謁選入都寓齋夜話二首

翦燭重來天一方廿年陳迹記名場秦淮秋月催鐘盡
易水春波喚艇忙共擬灌花稱漫士不圖焚芟學山郎
何時同聽瀟瀟雨風物吳趨好故鄉

問梅社裏元方識

令兄琴南太守與余同在問梅詩社兩年

異地逢君思不

禁孤館殘燈吟對榻閉門春雨話同岑桓寬鹽鐵新書

出

君撰淮南鹽法論

賈讓河渠上策尋

君嘗修書南河塘暢河防

愧我端居

聞見少閒評風月擲光陰

對月感懷

咫尺堂坳芥作舟何能直達海西頭宗生虛抱乘風願
費氏空勞縮地遊齊物論中參變化惱公曲裏寫煩憂
良宵不秉西園燭明月簾櫳又上鉤

行路難

脂車懸崖下秣馬深林中蕩子何所之草莽多伏戎蝮

蛇盤我前狂兕蹲我後
予荒山道寶刀常在手
鴆酒來止渴毒脯持救飢
不如還故鄉閉門共哺糜
今時清廉難犯教言願君
自愛莫爲非行路難望君歸

慷慨歌

生不願封萬戶侯但願足踏五嶽遍九州
宗生欲乘萬里浪向平妻子徒懷愁
人生亦有命戚戚何所求
昔時兩青髯今看成白頭
胡不飲美酒良宵秉燭遊
山行有興水有舟勸君登臨躋勝幽
攀崖騎白鹿淩波戲海鷗
何爲鬱鬱心煩憂君不見朱門碧瓦長安道
幾處悲風吹蔓草
慷慨歌歌慨慷何日青山成獨往

臨高臺

臨高臺以軒上有萬里之長天下有千仞之深淵我身
如一粟寄迹于其間仰視黃鵠摩空翔遊子何時還故
鄉故鄉茫茫遠千里碣石秋高暮雲起

續成夢中句

侵曉夢遊山作詩頗突兀醒時窮力思愉快忽已失喬
松冠朝霞石缺架初日惜乎未成篇如獲古殘碣

淀園內閣直廬卽事四首

瀑直離宮外身疑傍九霄月催鐘漏盡風送珮聲遙虎
旅森周衛鸞羣集早朝

綸扉咫尺近紫筆記朝朝

帝語分俞拂廷章別薦彈微臣先入手天下快同觀馬
背傳郵速蠅頭校字難不辭銀海眩看到燭花殘
鷺羽飛分序來朝有替人攤書逢故我敲枕卽聞身窗
暝月光薄簟涼秋意新輕雷驚夢覺牆外走車輪
凌晨辭柱杌策馬扇湖東影照芙蓉水襟披楊柳風吟
蟬聲易老浴鴨關難工西望羣山峻仙禽巢此中

獨居吟

四友且勿從二豪且勿侍獨坐還獨吟獨吟獨居意獨
居寡言笑耳無嘲諠聞獨居惜光陰坐無博弈羣獨居

勤睹記晤對惟古人獨居捐嗜好淵默養天真孰云我
無徒乃與德爲鄰德鄰誠不孤居敬有誰詔宰我嘲朽
木晝寢眸子眊子桑不衣冠太簡仲弓誚四美固堪樂
二病亦易蹈自勸還自懲時時自檢校惟有惜光陰惟
有寡言笑惟有勤睹記惟有捐嗜好

囊琴

己丑

幽棲梧桐院石几琴高張忽悟無言意韜之古錦囊深
情闕金玉其外猶文章牙曠久不作海波空渺茫

庭中鷺

有鷺有鷺在庭中黃鶯啁喋尾毵毵一日飼爾梁十餘

主人清貧爾亦薄有時昂頭仰天叫孫登半嶺舒長嘯
有時曲頸抱莎眠畢卓甕頭中聖賢雪衣終日沾塵土
北風吹來一尺雨潢汙游泳比池沼濯濯階前鼓翅舞
羽毛潔白不能飛飲啄從容不見肥鴻雁一聲雲外響
江湖萬里與君辭

潘芝軒先生贈手書竹扇賦謝

襤褸嘲嘲難解清風忽到襟沈吟題扇語感激贈言心
范文正范忠宣語用舍隨舒卷方圓變古今惟應支瘦骨不受
軟紅侵

新秋淀園直廬作

平湖如帶繞紅牆牆外青山眉黛長岸柳微黃秋作態
池荷深翠水生香疎簾月影回清夢高樹蟬聲送夜涼
何處輕雷催陣陣門前走轂早朝忙

潘星齋

曾望

畫蝴蝶團扇題句

冰綃如月一輪裁橘蠹雙飛畫本開更倩右軍題六角
新詞好寫祝英臺

春郊煙景望模糊粉翅顛狂戲綠蕪最是河陽花滿縣
風光占盡玉腰奴

詩名不讓謝蝴蝶彩筆滕王圖並傳試與舊聞搜日下
幾時飛到大常仙

新裂齊紈皎雪肌將衰華葉怨班姬憐他捐篋秋來早
留待西園八月時

蘆花和顧南雅先生

菴韻

瑟瑟花難好蕭蕭水更明深留孤雁宿疎遣一舟橫日
薄秋無色江空月有聲此中人不見搔首若爲情

冰牀

卧遊忽到水晶宮一兩芒鞋看轉蓬巧索詩情驢背外
別開寒境馬蹄中飛瓊仙去留蹤在羣玉山遙有路通
聽取喚君行不得靈臺三日候東風

蠟梅二首和吳小穀

清皋韻

空庭殘雪照斜陽一樹西風動暗香花冷故宜無蝶戀
蜜成不見有蜂忙何年天女頒宮樣昨夜瑤姬換道裝
盼到全開開不盡十分春事讓東皇

黃羅廣袂笑相逢莫是瞿曇世外蹤秋菊未宜專晚節
早梅還倩作先容橫斜月下色初淡點綴春前香轉濃
報道東風消息到蠟丸書札拆重重

擬古十九首 并序 庚寅

世傳古詩十九首非一人所作太羹元酒鮮能
知味千載而下難爲繼聲余濩落中年飄零京
國春風秋月卽事感懷聊託擬古之詞以抒鬱

紆之意非以優孟衣冠自誇形似也存之以俟
知言者

行行重行行江湖阻且長親交曾莫覩身在天一方回
首望鄉國浮雲蔽青蒼仰見雙黃鵠奮翅東南翔辭家
日以久素衣日以垢春谷變鳴禽寒沙搖弱柳羈旅感
年侵煩紆催白首遠遊令人老寄語山中友

青青河畔草灼灼園中桃的的倡家女靡靡吹玉簫豈
意金吾子贈妾英瓊瑤妾心水與萍君心漆與膠萍水
一時散膠漆幾時銷

青青陵上柏離離山下苗人生百歲間忽如暮與朝勸

君飲美酒秉燭遊良宵良宵西園宴月華被林皋謳飲
爲君放絲竹爲君豪不惜青玉案何吝金錯刀不見北
邙山墓樹風蕭騷乘雲躡仙闕千古惟松喬

今日良宴會知交敦古懽佳人抱瑤瑟倚我銀牀彈坐
客盡傾耳曲終起長歎新聲世所悅古意良獨難奉君
金卮酒努力勸加餐人生瀛海內飄忽若飛翰何不振
毛羽翱翔鵬與鸞無爲終顧領詰屈泥蛟蟠

西北有高樓巖業凌蒼穹飛闥軼神雨畫梁橫采虹上
有笙簫聲泠泠散虛空誰吹紫鸞曲毋乃白玉童秦女
去千載知音難可逢不惜知音少但愁曲未工願爲廊

門鶴奮翅起高翀

涉江采芙蓉打槳弄潮水相思江水深苦心擘蓮子泛
泛鄂君舟望望長千里煙霧何蒼茫日暮秋風起

明月皎夜光鴻雁西南翔鳴聲何哀厲客起聽傍徨微
霜被原野百草爲不芳歲月忽云暮煩冤結衷腸念我
同袍子青雲共頡頏前綬肯枉駕戴笠嗟道旁西家梧
桐樹掩映東家牆樹木還相庇朋友何相忘

冉冉孤生竹不如連理枝依依思遠道不如攜手時連
理結同林夫婦豈異心蹉跎秦嘉別沈疴歲月侵方舟
遲不駕軒車勞豈任一身如飛蓬旋轉不自禁策馬去

京國悠悠我思深

庭中有奇樹百尺陰四垂謂當逢匠石斲成棟梁材蟲
來齧其根枝葉何離披思茲生意盡不愁果實遲願憑
雨露力槎枿發華滋

迢迢牽牛星盈盈河漢水寂寂填津鵲悠悠寄書鯉報
章久不成七襄空若綺停梭赴佳期褰裳涉河涘河廣
水增波落日驚飈起

迴車駕言邁他鄉輕作別他鄉有朋好要我重來日慷
慨語朋好不忍相決絕順逆路有歧出處蹤匪一長安
盛英才華實相廁切琢玉生光輝沐蘭染芳烈殷勤矢

後期腰解珊瑚玦

東城高且長下眺平蕪綠雨三羽林郎馬射爭馳逐聳
身據雕鞍回眸飛勁鏃問爾何官職升斗露微祿前年
征西陞冰天怒橫稍脫甲喜時平復恐髀生肉跼蹐豈
不勞所期在嫻熟愧茲儒冠人端居養庸福

驅車上東門東門列統綺姪女來河間褰裳入閭市十
三能度曲十四學彈箏十五工巧笑十六號傾城誓當
從年少不願侍公卿何來遊俠子解佩玉鏘鳴三十侍
中郎華容燦朝英青錢齎百萬繡轂馳相迎陽春二三
月桃李增光榮輕身欺舞燕嬌語妬啼鶯謂是百年好

豈知一日情傷彼紅槿花朝開暮還零

去者日以疎幾家婦作姑來者日以親幾家兒抱孫親
疎誠代謝奄忽爲陳人瘞骨黃泉下鴟鴞啼墓門白楊
何蕭騷悲風吹斷魂及時不行樂千載同埃塵

生年不滿百心事爭千秋千秋名未立送君成白頭白

頭君勿歎日暮還平旦蔡邕復著書未滿張衡願

邕爲
衡後

身見商
悲語林

凜凜歲云暮遊子衣裳單崎嶇世路狹窮阨誰相憐黃
金市駿馬不犁二頃田白金鑄寶刀不斲三尺椽治生
誠急務夸者召飢寒懷哉張仲蔚獨閉蓬蒿門

孟冬寒氣至愁雲斂風色眾鳥不敢翔飢鷹思奮擊由
基挽强弓一發落雙翮坐令陰霾消仰視日光赤寄語
鸞鶴羣層霄共摩翼

客從遠方來貽我青銅鏡但照妍與媸不辨凡與聖
澹臺惡更昭南威美堪證臧否盡如此勸戒何由正慎勿
鑒吾形吾衰且多病

明月何皎皎白露何團團良人遊燕趙風氣苦早寒織
手引刀尺夜裁綺兩端迴文錦字匝細訴關山難秋蟲
鳴唧唧助妾空房歎願化雙飛翼從君伸舊歡

神仙樂府二十首

并序

仙蹤縹緲六籍無徵確士患其不經隱流聞而
起慕山圖園客子政志其幽奇碧樹瓊林景純
誇其美麗凌霄著雲間之賦步虛撰新野之詞
亮結契於丹邱豈馳情於碧落作神仙樂府以
消遣世慮山深林密中必有屬而和者

采藥父

采藥父號偃佺食松實不紀年體毛數寸輕如猿能逐
飛鳥升山顛憫陶唐氏之憂勤授以松實還童顏壽如
日月行中天陶唐願爲天子不願仙還君松實我與四
海同艱鮮陶唐不願仙亦不願天子拱手讓許由許由

聞之爲洗耳

彭祖壽

服藥百裹不如獨卧四十九妻彭祖一个尊官大神天上多新仙卑位何么麼奉事非一畏勞苦聊避人間久
婆婆久婆婆八百八夏殷周日出沒

魚腹鈴

隱南山釣下谿三年無魚釣不止遼東隱士王者師蜚
鴻在野夷羊在牧鈴出魚腹火流王屋鑄京逐得中原
鹿澤芝石髓君仍服服食還丹二百年空棺惟葬鈴書

六

巾金巾

巾金巾入天門呼長精吸元泉鳴天鼓養泥丸老君聞
之起長歎是真祕語傳列仙鍊形服氣駐爾顏使爾夏
不暑冬不寒不寒何衣不飢何餐高不畏山深不畏川
御風泠泠入極寬巾歌終人去矣世間傳是長桑子
長桑子已去東周采薪行歌遊十洲

緱山鶴

王喬吹笙去不還浮邱挾之登嵩山嵩山月下鳴鳳凰
寄語桓良良勿忘七月七日緱山上故鄉我欲登高望
登高望騎白鶴家人來仰碧落舉手謝家人白鶴衝天

門

吹簫史

吹簫史鳴鳳臺引鳳來隨鳳飛嗟爾弄玉願作吹簫婦
不願諸侯公子妃君不見男臣女妾更爲重耳捧盤匱
當時匹偶道淪喪吹簫志節青雲上至今鳳女祠邊路
簫聲月夜秦川度

出函關

騎青牛出函關函關留著五千言著書本非老子意後
來作者盈空山何人作俑函關尹老子無爲守虛牝立
言有責歸聖賢著書一事神仙省

華陰女

阿房宮人字玉姜秦亡不從楚漢王但從道士食松葉
不飢不寒毛髮長後人莫笑宮人愚珠簾翠幙未若山
中居君不見漢王宮裏夫人戚楚王帳下美人虜烏騅
不逝猶歌舞黃鵠高飛泣如雨華陰山下秦宮人避世
入山良苦辛

賣藥翁

瑯琊賣藥翁人稱千歲公去時遺君白玉舄期君千載
遇我蓬萊宮奈何蓬萊宮直下海底尋無蹤嗟爾千歲
公三日三夜誑祖龍

臘嘉平

茅初成入太清下元洲戲赤城祖龍聞之臘嘉平蓬萊
方丈祈長生詔使徐福入海行入海行舟千百三山下
有蛟龍宅驚濤萬丈天昏黑不遇神仙不敢歸童男叩
女海島開新國

黃石書

媧皇補天擲下一卷石千秋萬歲中央色何年南極感
星精化作老人圯上行授爾孺子陰符經陰符經亦人
間有當時正值秦燔後伏生轅固皆不知一卷天教黃
石守

揖金母

揖金母拜木公漢初小兒語路中子房聞之往肅拜云
是東王公之玉童由來紫府尊公姥仙籍書名公姥主
瓊宮羅拜摠霓衣不是神仙那得知玉童去後良辟穀
赤松遊耳辭榮祿

青鳥來

承華殿前青鳥來斑龍駕輦雲屏開玉盤精饌桃七枚
問桃何年華問桃何年實瑤池彈指一千春姬滿來時
不堪折此桃一食延千齡茂陵松柏何青青

昇天行

子欲長生當服山精子欲輕翔當服山薑古人服食求
地仙黃白之術乃昇天淮南著書有鴻寶八公丹經復
傳道藥器猶令雞犬仙少年窈窕何由老

赤龍吟

安公安公治與天通七月七日迎汝赤龍朱雀上冶作
人語紫色衝天公無苦赤龍來天門開安公騎龍久徘徊
久徘徊過城邑城邑千人向公揖赤龍宛轉天門入

戒鬼壇

戒鬼壇走霹靂擊鬼雄擒鬼伯鳴鶴山中修道成雲臺
峰下升太清神仙夫婦歷三世帝令玉女雲幢迎軒轅

龍虎中丹術符籙千秋傳正一辟邪玉印弭災疾戒鬼
壇非異端黃金四目詳周官

句漏令

句漏令鍊丹砂羅浮本是仙人家仙之從祖卽仙去弟
子鄭隱高風慕隱傳洪祕術工鍊形服氣空山中抱朴
著書成一子伯陽參同差可擬

踏踏歌

踏踏歌藍采和紅顏春樹流光擲梭破衫黑帶跣一足
三尺拍板行且歌行且歌兮墮濠梁忽輕舉兮雲中翔
雲中翔兮青鸞座歌踏踏兮無人和

炊黃粱

鍾離炊洞賓睡一夢黃粱等遊戲洞賓夢鍾離知神仙
可學真我師去去辟穀終南陲終南陲一劍孤劉海蟾
張珍奴空山鍊形吾與徒

華山隱

希夷不求仕初隱武當山後移雲臺止石室辟穀服氣
蒼崖間太平興國會應詔和詩便殿仍放還平生所好
惟讀易一卧空山人不識先生飲酒度百齡麝皮處士
尋無迹

春寒和星齋韻

料峭尖風送陰陰欲暮天禽聲春樹裏雪意酒杯前破

寂琴三弄支寒袖一肩因懷故園客野鶴共翛然

原作懷令

兄功甫

讀番禺張南山大令

維屏

聽松廬詩鈔服其五言

律之妙因題一首以彷彿其詩境云

仙山鶴一聲子晉下吹笙碧月破天出白雲隨地生鴻

毛輕太華杯勺吸滄瀛采藥人間侶金丹煉不成

杏樓喜用險韻屢疊不窮四月望日折柬見招懼

其先薄我也詩以挑之

虎頭才絕癡還絕對壘詩壇聽鼓鐔腕底煙雲驅名霍

胸中山嶽吐嶙峋酒人興比卮無當吟客聯如爵有饌
天上白榆歌樂府中厨芳脆薦冰醲

午日芝軒先生招集團中作

又見榴花照眼明旅人撫景不勝情南天無雁銜書到
北海有尊遲客傾畫壁雲深山黯黯壁間新補周芸
泉觀察畫山水投壺盡永矢錚錚庭槐卓午清陰滿喜聽新蟬第一聲

庚寅七夕書懷

忽忽年開三十九歐陽當日已稱翁朱顏元髮都無恙
只有看花似霧中

漢家殘碣晉家甌直溯秦丞倉頡篇學得屠龍無用處

簪花體格重時賢

廿載耽吟郊島詩未工猶喜少人知

王惕甫師去
晚年自號

後誰堪證一點靈犀是我師

東華橐筆閱三秋虛說移家范子舟遙憶今宵小兒女
中庭瓜果拜牽牛

九日書懷

斜陽一角照城樓筆策聲高起暮愁雅陣送寒催落木
雁書緘恨到深秋泉明種菊吟情減子政然藜心事悠
聞道征西官屬盛有人投筆覓封侯

酬韓桂船先生見懷之作

世事浮雲百不聞
西風獨客對斜曛
江湖千里征鴻影
雨雪三邊戰馬羣
投筆誰爲班定遠
據鞍豈少趙將軍
騎驢去後心霄漢
應憶珠崖舊策勛

紀夢

迢迢寒夜夢飛落
故園中桂酒碧雙盞
蠟梅黃一叢自言
經歲別不負看花
同照影蘭缸炯秋
衾孤館空

寒花和紱庭韻

膽瓶瘦影夜缸闌
伴我清吟徹曉寒
多謝幽人深谷采
最宜名士晚年看
霜前芳訊傳來久
天外春風吹到難
醉與花魂一尊酒
廣庭瓊屑灑重欄

凍硯和紱庭韻

琥盃冰凍夜寒知
裴几燈昏試墨時
若箇吟梅花著管
有人詠雪絮飄池
指來鸚眼更番澀
畫到蛾眉訝許遲
移傍薰爐成煖玉
好翻新樣寫生枝

問梅詩社一百集
適桂船先生種梅書屋落成有

詩誌喜和韻郵呈二首

盼到騷人攬揆期

歲值庚寅

好將韻事報花知
同時相望七

千里

琴南在滇

後會當吟百一詩
慣替老梅添典故
爭攜瘦

竹討幽奇華陽小
築新鉏月來歲寒香拂酒
巵

別來文讌記頻仍
林下風流見幾曾
斗酒只宜呼李白

萬錢底用傲何曾花枝簪處人休笑詩卷刊餘壽共增
臨頓三弓新拓地相州畫錦合同稱

庚寅除夕

曙色春光動和風柳上回燭花良夜永爆竹喜聲來感
逝心猶昨十月悼亡無聞歲忽開九衢看走馬簪笏集鸞臺

受業蔣彬蔚校字